

植物名實圖考長編卷之十二

固始吳其濬著

蒙自陸應穀校刊

芳草

藁本

水蘇

石薺葶

附

假蘇

積雪草

爵牀

高良薑

藿香

豆蔻

荏

蘇

香薷

石香薷

莎草

蒟醬

萹葉

鬱金

薑黃

薄荷

山薑

廉薑

藕車香

甲煎

京三棱

紅豆蔻

馬蘭

鬱金香

附錄

蓬莪茂

零陵香

益孀草

附

薺葶

白茅香

肉豆蔻

白豆蔻

補骨脂

萹撥

益智子

甘松香

茅香花

縮沙薺

排草香

附錄

山柰

藁本

本草經藁本味辛溫主婦人疝瘕陰中寒腫痛腹中急除風頭
痛長肌膚悅顏色一名鬼卿一名地新

別錄苦微溫微寒無毒主辟霧露潤澤療風邪痺曳金瘡可作
沐藥面脂實主風流四肢一名微莖生崇山山谷正月二月採
根暴乾三十日成陶隱居云俗中皆用芎藭根鬚其形氣乃相
類而桐君藥錄說芎藭苗似藁本論說花實皆不同所生處又
異今山東別有藁本形氣甚相似惟長大爾

唐本草註云藁本莖葉根味與芎藭小別以其根上苗下似藁

禾根故名藁本今出宕州者甚佳也

圖經藁本生崇山山谷今西川河東州郡及兗州杭州有之葉似白芷香又似芎藭但芎藭似水芹而大藁本葉細耳根上苗下似禾藁故以名之五月有白花七八月結子根紫色正月二月採根暴乾三十日成

救荒本草藁本今衛輝輝縣栲栳圈山谷間有之俗名山園葵苗高五七寸葉似芎藭葉細小又似園葵葉而稀疏莖比園葵莖頗硬直採嫩苗葉燂熟水浸淘淨油鹽調食

本草綱目李時珍曰江南深山中皆有之根似芎藭而輕虛味

麻不堪作飲也

廣雅疏證山茝葳香藁也管子地員篇云五沃之土五臭疇生
蓮與藁蕪藁本白芷荀子大畧篇云蘭茝藁本漸於蜜醴一佩
易之淮南汜論訓云夫亂人者芎藭之與藁本也蛇牀之與藁
蕪也此皆相似神農本草云藁本一名鬼卿一名地新生崇山
山谷陶注云桐君藥錄說芎藭苗似藁本論說花實皆不同所
生處又異唐本注云根上苗下似藁根故名藁本則藁本以根
得名故中山經云青要之山有草焉其本如藁本郭注云根似
藁本也又西山經云皋塗之山有草焉其狀如藁芩郭注云藁

芟香草又注上林賦云橐本橐芟也本芟聲之轉皆訓爲根下
文云芟根也

水蘇

本草經水蘇味辛微溫主下氣辟口臭去毒辟惡氣久服通神明輕身耐老

別錄無毒殺穀除飲食主吐血衄血血崩一名雞蘇一名勞祖一名芥菹一名芥苴生九真池澤七月採陶隱居云方藥不用俗中莫識九真遼遠亦無能訪之

圖經水蘇生九真池澤今處處有之多生水岸傍苗似旋復兩葉相當大香馥青齊間呼爲水蘇江左名爲薺葶吳會謂之雞蘇南人多以作菜主諸氣疾及腳腫江北甚多而人不取食又

江左人謂雞蘇水蘇是兩種陳藏器謂薺葶自是一物非水蘇
水蘇葉有鴈齒香而氣辛薺葶葉上有毛稍長氣臭主冷氣洩
痢可爲生菜除胃間酸水亦可搗傳蟻瘦亦有石上生者名石
薺葶紫花細葉高一二尺味辛溫無毒主風血冷氣并瘡疥痔
漏下血並煮汁服山中人多用之

本草綱目李時珍曰水蘇薺葶一類二種爾水蘇氣香薺葶氣
臭爲異水蘇三月生苗方莖中虛葉似蘇葉而微長密齒面皺
色青對節生氣甚辛烈六七月開花成穗如蘇穗水紅色穗中
有細子狀如荊芥子可種易生宿根亦自生沃地者苗高三四

尺

水蘇

芳草卷之十二

植物名實圖考

附石薺葶

本草拾遺石薺葶味辛溫無毒主風冷氣并瘡疥瘙痒痔瘻下血煮汁服生山石上紫花細葉高一二尺山人並用之

假蘇

本草經假蘇味辛溫主寒熱鼠瘻癰癧生瘡破結聚氣下瘀血除濕疸一名鼠糞

別錄無毒一名薑芥生漢中川澤陶隱居云方藥亦不復用

唐本草註此藥卽菜中荆芥是也薑荆聲訛爾先居草部中今人食之錄在菜部也

圖經假蘇荆芥也生漢中川澤今處處有之葉似落藜而細初生香辛可噉人取作生菜古方稀用近世醫家治頭風虛勞瘡疥婦人血風等爲要藥並取花實成穗者暴乾入藥亦多單用

效甚速又以一物治產後血暈築心眼倒風縮欲死者取乾荆芥穗搗篩每用末二錢七童子小便一酒盞調熱服立效口噤者挑齒閉者灌鼻中皆效近世名醫用之無不如神云醫官陳巽言江左人謂假蘇荆芥實兩物假蘇葉銳圓多野生以香氣似蘇故名之蘇恭以本經一名薑芥薑荆聲近便爲荆芥非也又有胡荆芥俗呼新羅荆芥石荆芥體性相近入藥亦用

蔡條鐵圍山叢談薑芥

別本並作介下同

一名假蘇本草謂性溫不然

實微涼吾竄嶺嶠

吳本嶠南

數見食黃頰魚偶犯薑芥者必立死甚

於鉤吻毒矣物性相反有可畏如是世於是禁殆不可不知

本草綱目李時珍曰荆芥原是野生今爲世用遂多栽蒔二月布子生苗炒食辛香方莖細葉似獨帚葉而狹小淡黃綠色八月開小花作穗成房房如紫蘇房內有細子如葶藶子狀黃赤色連穗收採用之

又曰荆芥入足厥陰經氣分其功長於祛風邪散瘀血破結氣消瘡毒蓋厥陰乃風木也主血而相火寄之故風病血病瘡病爲要藥其治風也賈丞相稱爲再生丹許學士謂有神聖功戴院使許爲產後要藥蕭存敬呼爲一捻金陳無擇隱爲舉卿古拜散夫豈無故而得此隆譽哉按唐韻荆字舉卿切芥字古拜

切蓋二字之反切隱語以秘其方也又曰荆芥反魚蟹河豚之說本草醫方並未言及而稗官小說往往載之按李廷飛延壽書云凡食一切無鱗魚忌荆芥食黃鱔魚後食之令人吐血惟地漿可解與蟹同食動風又蔡條鐵山叢話云予居嶺嶠見食黃鰮魚犯薑芥者立死甚於鈎吻洪邁夷堅志云吳人魏幾道啖黃鰮魚羹後采荆芥和茶飲少頃足痺上徹心肺狂走足皮欲裂急服藥兩日乃解陶九成輟耕錄云凡食河豚不可服荆芥藥大相反予在江陰見一儒者因此喪命葦航細談云凡服荆芥風藥忌食魚楊誠齋曾見一人立致於死也時珍按荆芥

乃日用之藥其相反如此故詳錄之以爲警戒又按物類相感志云河豚用荊芥同煮三五次換水則無毒其說與諸書不同何哉大抵養生者甯守前說爲戒可也

積雪草

本草經積雪草味苦寒主大熱惡瘡癰疽浸淫赤爛皮膚赤身熱

別錄無毒生荊州川谷陶隱居云方藥亦不用想此草當寒冷爾

唐本草註云此草葉圓如錢大莖細勁蔓延生溪澗側搗傳熱腫丹毒不入藥用荆楚以葉如錢謂爲地錢草徐儀藥圖名連錢草生處亦稀

圖經積雪草生荊州川谷今處處有之葉圓如錢大莖細而勁

蔓延生溪澗之側荆楚人以葉如錢謂爲地錢草徐儀藥圖名
連錢草八月九月採苗葉陰乾用段成式酉陽雜俎云地錢葉
圓莖細有蔓一名積雪草一名連錢草謹按天寶單行方云連
錢草味甘平無毒元生咸陽下濕地亦生臨淄郡濟陽郡池澤
中甚香俗間或云圓葉如薄荷江東吳越丹陽郡極多彼人常
充生菜食之河北柳城郡盡呼爲海蘇好近水生經冬不死咸
洛二京亦有或名胡薄荷所在有之單服療女子小腹痛又云
女子忽得小腹中痛月經初來便覺腰中切痛連脊間如刀錐
所刺忍不可堪者衆醫不別謂是鬼疰妄服諸藥終無所益其

疾轉增審察前狀相當卽用此藥其藥夏五月正放花時卽採
取暴乾搗篩爲散女子有患前件病者取二方寸七和好醋二
小合攪令勻平且空腹頓服之每日一服以知爲度如女子先
冷者卽取前件藥五兩加桃仁二百枚去尖皮熬搗爲散以蜜
爲丸如梧子大每日空腹以飲及酒下三十九日再服以疾愈
爲度忌麻子蕎麥

本草衍義積雪草今南方多有生陰濕地不必荆楚形如水荇
而小面亦光潔微尖爲異今人謂之連錢草蓋取象也莖葉各
生搗爛貼一切熱毒癰疽等秋後收之陰乾爲末水調傅

本草綱目李時珍曰按蘇恭注薄荷云一種蔓生功用相似蘇頌圖經云薄荷與胡薄荷相類也味少甘生江浙間彼人多以作茶飲俗呼爲新羅薄荷天寶方所用連錢草是也據二說則積雪草卽胡薄荷乃薄荷之蔓生者爾又臞仙庚辛玉冊云地錢陰草也生荆楚江淮閩浙間多在宮院寺廟磚砌間葉圓似錢引蔓鋪地香如細辛不見開花也

爵牀

本草經爵牀味鹹寒主腰脊痛不得著牀俛仰艱難除熱可作浴湯

別錄無毒生漢中川谷及田野井中苔及萍大寒主漆瘡熱瘡水腫井中藍殺野葛巴豆諸毒陶隱居云廢井中多生苔萍及磚土間生雜草菜藍既解毒在井中者彌佳不應復別是一種名井中藍井底泥至冷亦療湯火灼瘡井華水又服鍊法用之唐本草注云此草似香薷葉長而大或如荏且細生平澤熟田近道傍甚療血脹下氣又主杖瘡汁塗立瘥俗名赤眼老母草

高良薑

別錄高良薑大温主暴冷胃中冷逆霍亂腹疇陶隱居云出高良郡人腹痛不止但嚼食亦效形氣與杜若相似而葉如山薑唐本草註云生嶺南者形大虛軟江左者細緊味亦不甚辛其實一也今相與呼細者爲杜若大者爲高良薑此非也

圖經高良薑舊不載所出州土陶隱居云出高良郡今嶺南諸州及黔蜀皆有之內郡雖有而不堪入藥春生莖葉如薑苗而大高一二尺許花紅紫色如山薑二月三月採根暴乾古方亦單用治忽心中惡口吐清水者取根如骰子塊含之嚙津逡巡

卽差若臭亦含噉更加草豆蔻爲末煎湯常飲之佳

南方草木狀山薑花莖葉卽薑也根不堪食於葉間吐花作穗如麥粒軟紅色煎服之治冷氣甚效出九真交趾

嶺表錄異山薑花莖葉卽薑也根不堪食而於葉間吐花穗如麥粒嫩紅色南人選未開坼者以鹽醃藏入甜糟中經冬如琥珀香辛可重用爲膾無加也以鹽藏曝乾煎湯極能治冷氣

本草綱目穢跡佛有治心口痛方云凡男女心口一點痛者乃胃腹有滯或有蟲也多因怒及受寒而起遂致終身俗言心氣痛者非也用高良薑以酒洗七次焙研香附以醋洗七次焙

研各記收之病因寒得用薑末二錢附末一錢因怒得用附末
二錢薑末一錢寒怒兼有各一半以米湯加入生薑汁一匙鹽
一捻服之立止韓飛霞通書亦稱其功

南越筆記高良薑出於南涼故名其根爲薑其子爲紅豆蔻子
入饌未坼開者曰含胎以鹽醃入甜糟中終冬如琥珀味香辛
可膾其根不堪食而藥中多用之人不以其子而掩其根所重
在根故不曰紅豆蔻而曰高良薑也蔻者何楊雄方言云凡物
盛多謂之蔻是子形如紅豆而叢生故曰紅豆蔻

按嶺表錄異所云山薑卽高良薑李時珍以爲杜若人亦呼

爲良薑者是也春末夏初開花成穗淡紅色如麥粒其根硬瘠多節江西俗呼連環薑亦卽獾子薑根不堪食之證大者爲良薑小者爲杜若唐本草斥之然要是一種以產高良者爲貴其餘皆呼爲山薑蘇頌所謂內郡雖有不堪入藥是也李時珍以紅豆蔻併入高良薑但桂海虞衡志明云此花無實不與草豆蔻同種餘皆謂紅豆蔻爲高良薑子今以紅豆蔻附於後俟再詳訂

藿香

別錄藿香微温療風水毒腫去惡氣止霍亂心痛

南州異物志云藿香出海邊國形如都梁可著衣服中

南方草木狀云味辛榛生吏民自種之五六月採暴之乃芬爾
出交趾九真諸國

圖經藿香舊附五香條不著所出州土今嶺南郡多有之人家
亦多種植二月生苗莖梗甚密作叢葉似桑而小薄六月七月
採之暴乾乃芬香須黃色然後可收又金樓子及俞益期牋皆
云扶南國人言衆香共是一木根便是旃檀節是沉水花是雞

香葉是藿香膠是薰陸詳本經所以與沉香等共條蓋義出於此然今南中所有乃是草類南方草木狀云藿香榛生吏民自種之正相符合也范煜和香方云零藿虛燥古人乃以合薰香本經主霍亂心痛故近世醫方治脾胃吐逆爲最要之藥

本草綱目李時珍曰藿香方莖有節中虛葉微似茄葉唐史云頓遜國出藿香插枝側生葉如都良者是也劉欣期交州記言藿香似蘇合香者謂其氣相似非謂形狀也

丁謂山居詩序雷化以南山多零陵藿香芬芳襲人動或數里夢溪筆談酉陽雜俎記事多誕如云一木五香根旃檀節沉香

花雞舌葉藿膠薰陸此尤謬旃檀與沈香兩木元異雞舌卽今
丁香耳藿香自是草葉南方至多薰陸小本而大葉海南亦有
薰陸乃其膠也今謂之乳頭香五物迥殊原非同類

王氏談錄公言蘭蕙二草今人蓋無識者或云藿香爲蕙草

豆蔻

別錄豆蔻味辛溫無毒主溫中心腹痛嘔吐去口臭氣生南海陶隱居云味辛烈者爲好甚香可常含之其五和糝中物皆宜人廉薑溫中下氣益智熱枸櫞溫甘蕉麂目並小冷爾

蜀本草圖經苗似杜若春花在穗端如芙蓉四房生於莖下白色花開卽黃根似高良薑實若龍眼而無鱗甲中如石榴子莖葉子皆味辛而香十月收今花中亦種之

圖經豆蔻卽草豆蔻也生南海今嶺南皆有之苗似蘆葉似山薑杜若輩根似高良薑花作穗嫩葉卷之而生初若芙蓉穗頭

深紅色葉漸展花漸出而色漸淡亦有黃白色者南人多採以當果實尤貴其嫩者并穗入鹽同淹治疊疊作朵不散落又以木槿花同浸欲其色紅耳其作實者若龍眼子而銳皮無鱗甲中子若石榴瓣候熟採之暴乾根苗微作樟木氣其山薑花莖葉皆薑也但根不堪食亦與豆蔻花相似而微小耳花生葉間作穗如麥粒嫩紅色南人取其未大開者謂之含胎花以鹽水淹藏入甜糟中經冬如琥珀色香辛可愛用爲膾醋最相宜也又以鹽殺治暴乾者煎湯服之極能出冷氣止霍亂消酒食毒甚佳

南方草木狀豆蔻花其苗如蘆其葉似薑其花作穗嫩葉卷之
而生花微紅穗頭深色葉漸舒花漸出舊說此花食之破氣消
痰進酒增倍泰康二年交州貢一篋上試之有驗以賜近臣
桂海虞衡志紅鹽草果邕州取新生草果入梅汁鹽漬令色紅
暴乾薦酒芬味甚高世珍之草豆蔻始結實如小舌卽擷取紅
鹽乾之名鸚哥舌尤爲難得

嶺外代答豆蔻多矣白豆蔻出南蕃草豆蔻出邕州溪峒而諸
郡山間亦有豆蔻花最可愛其葉叢生如薑葉其開花抽一幹
有蔴包之蔴去有花一穗藥數十綴之悉如指面其色淡紅如

蓮花之未敷又如葡萄之下垂范石湖嘗作詩有貫珠垂寶絡
剪綵倒鸞枝之句南人取花漬以梅汁曰乾之香味芳美極有
風致余初見之意卽草蔻而味辛傲人亦取其子爲蜜果

本草綱目李時珍曰草豆蔻草果雖是一物然微有不同今建
寧所產豆蔻大如龍眼而形微長其皮黃白薄而稜峭其仁大
如縮砂仁而辛香氣和滇廣所產草果長大如訶子其皮黑厚
而稜密其子粗而辛臭正如斑蝥之氣彼人皆用芫茶及作食
料恒用之物元朝飲膳皆以草果爲上供南人復用一種火楊
梅僞充草豆蔻其形圓而粗氣味辛猛而不和人亦多用之或

云卽山薑實也不可辨

南越筆記鮮草果人多種以爲香料其苗似縮砂三月開花作穗色白微紅五六月子結其根勝於葉味辛以溫能除瘴氣久服益精明目令人不忘

廣西通志紅鹽草果取生草豆蔻入梅汁鹽漬令色紅暴乾以薦酒又鸚哥舌卽紅鹽草果之珍者實始結卽頻取紅鹽乾之纔如小舌

齊民要術南方草木狀曰豆蔻樹大如李二月花包仍連著實子相連累其核根芬芳成殼七月八月熟暴乾剝食核味辛香

五味出興古 劉欣期交州記豆蔻似杙樹 環氏吳詒曰黃
初二年魏求豆蔻

東坡雜記治痢腹痛用生薑切如粟米大雜茶相對烹滓食之
實有奇效又用豆蔻剉作甕子入通明乳香少許復以塞之不
盡卽和麴少許裹豆蔻煨熟焦黃爲度二物皆爲末仍以茶末
對烹之比前方益奇

荏

別錄荏子味辛溫無毒主欬逆下氣溫中補體葉主調中去臭氣九月採陰乾陶隱居云荏狀如蘇高大白色不甚香其子研之雜米作糜甚肥美下氣補益東人呼爲蕪以其似蘇字但除禾邊故也荏其子作油日煎之卽今油帛及和漆聽用者服食斷穀亦用之名爲重油

本草拾遺荏葉搗傅蟲咬及男子陰腫江東以荏子爲油北土以大麻爲油此二油俱堪油物若其和漆荏者爲強爾

齊民要術曰荏隨宜園畔漫擲便歲歲自生荏子秋末成可收

蓬於醬中藏之

蓬荏角也實成則惡

其多種者如種穀法

雀甚嗜之必須近人家種收

子壓取油可以煮餅

荏油色綠可愛其氣香美煮餅亞胡麻油而勝麻子脂膏麻子脂膏並有腥氣然荏

油不可爲澤焦人髮研爲羹臞美於麻子遠矣又可

塗帛煎油

以爲燭良地十石多種博穀則倍收於諸田不同也

彌佳

荏油性浮塗帛勝麻油

農桑輯要蘇六畜所不犯類能全身遠害者於五穀有外護之

功於人有燈油之用江東人呼爲蕉以其似蘇字但除禾旁故

也莖方葉圓而有尖四圍有齒肥地者背面皆紫瘠地背紫面

青面背皆白卽白蘇也荏子白者良黃者不美荏卽今白蘇子

也蘇子碾之雜末作糜甚肥美下氣補益蘇採葉茹之或鹽或

梅涵作菹食甚香夏月作熟湯飲

務本新書凡種五穀如地畔近道者亦可另種蘇子以遮六畜傷踐收子打油燃燈甚明或熬油以油諸物

農政全書二月三月下種或宿子在地自生

爾雅翼荏陶隱居云荏狀似蘇而高大白色不甚香其子研之雜米作糜甚肥美下氣補益江東人呼爲蕉以其似蘇字但除禾邊也荏其子作油煎之卽今油帛及和漆所用者服食斷穀亦用之名爲重油蓋江東以荏子爲油北土以大麻爲油又其言名爲蕉似是蘇中魚蘇耳蕭炳云有大荏形似野荏高大葉

大於小荏一倍不堪食人收其子以充油絹帛其小荏子欲熟
人採其角食之甚香美蘇荏之屬宜近人種以小鳥好食之禽
經曰 者不上桑櫻活者不下荏言鳥之食含桃者乃不下
顧荏耳

蘇

爾雅蘇桂荏註蘇荏類故名桂荏

別錄蘇味辛溫主下氣除寒中其子尤良陶隱居云葉下紫色而氣甚香其無紫色不香似荏者多野蘇不堪用其子主下氣與橘皮相宜同療

圖經蘇紫蘇也舊不著所出州土今處處有之葉下紫色而氣甚香夏採莖葉秋採實其莖并葉通心經益脾胃煮飲尤勝與橘皮相宜氣方中多用之實主上氣欬逆研汁煮粥尤佳長食之令人肥健若欲宣通風毒則單用莖去節大良謹按爾雅謂

蘇爲桂荏蓋以其味辛而形類荏乃名之然而蘇有數種有水蘇白蘇魚蘇山魚蘇皆是荏類水蘇別條見下白蘇方莖圓葉不紫亦甚香實亦入藥魚蘇似茵陳大葉而香吳人以煮魚者一名魚薺生山石間者名山魚蘇主休息痢大小便頻數乾末米飲調服之效又蘇主雞瘕本經不著南齊褚澄善醫爲吳都太守百姓李道念以公事到郡澄見謂曰汝有重病答曰舊有冷病至今五年衆醫不差澄爲診曰汝病非冷非熱當是食白瀾雞子過多所致今取蘇一升煮服乃吐一物如升涎裏之能動開看是雞鷄羽翅爪頭具足能行走澄曰此未盡更服所餘

藥又吐得如向者雞十三頭而病卽差當時稱妙一說乃是用蒜煮服之

本草綱目李時珍曰紫蘇白蘇皆以二三月下種或宿子在地自生其莖方其葉團而有尖四圍有鋸齒肥地者面背皆紫瘠地者面青背紫其面背皆白者卽白蘇乃荏也紫蘇嫩時采葉和蔬茹之或鹽及梅瀹作菹食甚香夏月作熟湯飲之五六月連根採收以火煨其根陰乾則經久葉不落八月開細紫花成穗作房如荊穗九月半枯時收子子細如芥子而色黃赤亦可取油今有一種花紫蘇其葉細齒密紐如剪成之狀香色莖子

並無異者人稱回回蘇云

爾雅翼蘇桂在郭氏曰蘇在類故名桂在說者曰以其味辛而形類在故名之葉下紫色而氣甚香今俗呼爲紫蘇煮飲尤勝取子研汁煮粥良長服令人肥白身香亦可生食與魚肉作羹沙州記曰乞佛虜不識五穀唯食蘇子南都賦曰蘇菽紫薑拂微羶腥今蘇有數種皆是在類白蘇方莖圓葉不紫亦甚香實亦入藥魚蘇似茵陳大葉而香吳人以煮魚者一名魚蓍其生山石間者名山魚蘇又有水蘇一名雞蘇或言雞蘇水蘇是兩種又有假蘇者亦以香氣似蘇故名蘇說者云假蘇卽荆芥也

或曰假蘇葉銳而圓非荆芥也

本草會要宋仁宗命翰林院定湯奏曰紫蘇熟水第一以其能下胸膈浮氣也蓋不知其久則泄人真氣焉

本草衍義紫蘇其氣香其味微辛甘能散今人朝暮飲紫蘇湯甚無益醫家謂芳草致豪貴之疾者此有一焉若脾胃寒人多致滑泄往往不覺

廣雅疏證公蕢蘼藁薺荏荏蘇也爾雅云蘇桂荏郭注云蘇荏類故名桂荏方言云蘇荏也關之東西或謂之蘇或謂之荏周鄭之間謂之公蕢沅湘之南或謂之薺其小者謂之蘼藁郭注

云今江東人呼荏爲菩長沙人呼野蘇爲菩釀菜薰菜也亦蘇之種類因名云案釀菜卽香菜也郭注云薰菜薰亦香耳玉篇云菜香菜蘇類也集韻云菜菜名似蘇名醫別錄作香薷陶注云家家有此惟葉生食蘇頌圖經云似白蘇而葉更細一作香菜俗呼香茸又有一種石上生者莖葉更細而辛香彌甚謂之石香薷開寶本草云石香菜一名石蘇據此則香菜卽蘇之別種莖葉小於蘇故方言云其小者謂之釀菜也香菜香茸聲之轉孟詵食療本草謂之香戎戎與茸同聲顏師古匡繆正俗云戎卽猓也俗語變訛謂之戎耳猶今之香菜謂之香戎也釀

曹憲音穰各本脫去釀字音內穰字又誤入正文集韻類篇釀
音汝兩切引廣雅釀菜蘇也今據以訂正諸書無言蘇名薺者
薺上當有薺字中山經云熊耳之山有草焉其狀如蘇而赤華
名曰薺薺可以毒魚薺薺似蘇而以為蘇猶釀菜矣薺薺屬也
荏白蘇也名醫別錄陶注云蘇葉下紫而氣甚香其無紫色不
香似荏者名野蘇此卽方言注所云長沙人呼野蘇為薺者也
陶注又云荏狀如蘇高大白色不甚香其子研之雜米作糜甚
肥美東人呼為蕪此卽方言注所云江東人呼荏為薺者也蘇
頌圖經云蘇有魚蘇山魚蘇皆是荏類魚蘇似茵陳大葉而香

吳人以煮魚者一名魚苳生山石間者名山魚蘇案魚蕉同聲以是荏類故亦得名蘇耳鄭注內則藟無蓼云藟蘇荏之屬也枚乘七發云秋黃之蘇白露之茹張衡南都賦云蘇菽紫薑拂微羶腥蓋其氣辛香故用之也今人多種院落中有青紫二種子皆生莖節間古單呼紫者爲蘇今則通稱耳齊民要術引汜勝之種植書云區種荏令相去三尺

香薷

別錄香薷味辛微溫主霍亂腹痛吐下散水腫陶隱居云家家有此作菜生食十月中取乾之霍亂煮飲無不差作煎除水腫尤良

圖經香薷舊不著所出州土陶隱居云家家有之今所在皆種但北土差少似白蘇而葉更細十月中採乾之一作香薷俗呼香茸霍亂轉筋煮飲服之無不差者若四肢煩冷汗出而渴者加蓼子同切煮飲胡洽治水病洪腫香薷煎取乾香薷五十斤一物剉內釜中以水淹水出香薷上一寸煮使氣力都盡清澄

之嚴火煎令可丸一服五丸如梧子日漸增之以小便利好壽
春及新安有彼間又有一種石上生者莖葉更細而辛香彌甚
用之尤佳彼人謂之石香薷本經出草部中品云生蜀郡陵榮
資簡州及南中諸山岩石縫中生二月八月採苗莖花實俱用
主調中溫胃霍亂吐瀉今人罕用之故但附於此

本草衍義香薷生山野荆湖南北二州皆有兩京作圃種暑月
亦作蔬菜治霍亂不可闕也用之無不效葉如茵陳花茸紫在
一邊成穗凡四五十房爲一穗如荆芥穗別是一種香餘如經
孫公談圃汀州地多香茸閩人呼爲香薷自甲拆至花時投殼

俎中馥然按本草香薷音彙味辛注云家家有之主霍亂今醫家用香茸正療此疾味亦辛但淮南爲香茸閩中呼爲香薷皆非當以本草爲證

本草綱目李時珍曰香薷有野生有家蒔中州人三月種之呼爲香菜以充蔬品丹溪朱氏惟取大葉者爲良而細葉者香烈更甚今人多用之方莖尖葉有刻缺頗似黃荊葉而小九月開紫花成穗有細子葉者佳高數寸葉如落帚葉卽石香薷也廣西通志香薷有香臭二種其香者全人夏月以代茶能清暑名蚊子草

石香薷

嘉祐本草石香薷味辛香溫無毒主調中溫胃止霍亂吐瀉心腹脹滿臍腹痛腸鳴一名石蘇生蜀郡陵榮資簡州及南中諸處在山巖石縫中生二月八月採苗莖花實俱用

本草綱目李時珍曰香薷石香薷一物也但隨所在而名爾生平地者葉大厓石者葉細通用之

莎草

爾雅蒿侯莎其實緹註夏小正曰蒿也者莎蒿緹者其實

別錄莎草根味甘微寒無毒主除胸中熱充皮毛久服令人益氣長髮眉一名蒿一名侯莎其實名緹生田野二月八月採陶隱居云方藥亦不復用離騷云青莎雜樹繁草霍靡古人爲詩多用之而無識者乃有鼠蓂療體異此

唐本草註云此草根名香附子一名雀頭香大下氣除胸腹中熱所在有之莖葉都似三棱根若附子周匝多毛交州者最勝大者如棗近道者如杏仁許荆襄人謂之莎草根合和香用之

圖經莎草根又名香附子舊不著所出州土但云生田野今處
處有之或云空州者勝大如棗近道者如杏仁許苗莖葉都似
三棱根若附子周匝多毛今近道生者苗葉如薤而瘦根如筍
頭大二月八月採謹按天寶單方圖載水香棱功狀與此頗相
類但味差不同其方云水香棱味辛微寒無毒性澀元生博平
郡池澤中苗名香棱根名莎結亦名草附子河南及淮南下濕
地卽有名水莎隴西謂之地蘓草蜀郡名續根草亦名水巴戟
今涪都最饒名三棱草用莖作鞋履所在皆有單服療肺風又
云其藥療丈夫心肺中虛風及客熱膀胱間連脇下時有氣妨

皮膚瘙癢癰癩飲食不多日漸瘦損常有憂愁心忪少氣等並
春收苗及花陰乾入冬採根切貯於風涼處有患前病者取苗
二十餘斤剉以水二石五斗煮取一石五斗於浴斛中浸身令
汗出五六度浸兼浴其肺中風皮膚痒卽止每載四時常用則
癰癩風疔差其心中客熱膀胱間連脇下氣妨每日憂愁不樂
兼心忪者取根二大斤切熬令香以生絹袋盛貯於三大斗無
灰清酒中浸之春三月浸一日卽堪服冬十月後卽七日近暖
處乃佳每空腹服一盞日夜三四服之常令酒氣相續以知爲
度若不飲酒卽收根十兩加桂心五兩蕪荑三兩和搗爲散以

蜜和爲丸搗一千杵丸如梧子大每空腹以酒及薑蜜湯飲汁
等下二十九日再服漸加至三十九丸以差爲度

本草綱目李時珍曰莎葉如老韭葉而硬光澤有劍脊棱五六
月抽一莖三棱中空莖端復出數葉開青花成穗如黍中有細
子其根有鬚鬚下結子一二枚轉相延生子有細黑毛大者如
羊棗而兩頭尖采得燎去毛暴乾用此乃近時日用要藥而陶
氏不識諸註亦畧乃知古今藥物興廢不同如此則草木諸藥
亦不可以今之不識便廢棄不收安知異時不爲要藥如香附
者乎

陸璣詩疏臺夫須舊說夫須莎草也可爲蓑笠都人士云臺笠
緇撮或云臺草有皮尖細滑緻可爲笠笠以禦雨是也南山多
有廣要爾雅云臺夫須郭景純曰鄭箋云臺可以爲禦雨笠舍
人云臺一名夫須詩小雅云南山有臺都人士云臺笠緇撮箋
云都人之士以臺皮爲笠也鄭漁仲云臺卽雲臺菜舊說以爲
莎草埤雅臺夫須夫須莎草也可以爲笠亦可以爲蓑疏而無
溫故莎从沙與內司服所謂固素同意爾雅翼臺者莎草可爲
衣以禦雨今人謂之蓑衣毛氏云臺所以禦暑笠所以禦雨箋
云臺夫須也以臺皮爲笠毛氏知臺笠爲二物但獨言笠禦雨

未詳鄭氏則言臺皮爲笠夫臺但可爲衣不可爲笠古稱臺笠
蓑笠自謂臺與笠爾不必以臺笠緇撮之語必欲合爲一物也
齊語曰今夫農時雨旣至脫衣就功首戴茅蒲身衣襜褕韋昭
曰茅蒲簦笠也茅或作萌萌竹萌之皮所以爲笠則笠不用臺
爲可知又曰襜褕蓑薜衣也則襜褕以莎草爲之今人作笠亦
多編筍皮及箬葉爲之其臺爲衣編之若甲毳毳而垂故雨順
注而下然或藉而卧則不能隔雨山海經曰三危之山有獸其
豪如被蓑郭氏亦云蓑被雨衣則蓑但可爲衣不可爲笠明
矣臺一名曰夫須蓋匹夫所須纂文曰臺一名山莎本草香附

子卽莎草根生田野二月八月採圖經云香附子交州者大如棗近道者如杏仁苗莖葉都似三稜根若附子周匝多毛今近道生者苗葉如薤而瘦根如箸頭大

爾雅翼臺者莎草可爲衣以禦雨今人謂之蓑衣詩雅言得賢爲邦家立太平之基凡言八物以臺爲首蓋禦雨之具雖至微然非平日預知其所在蓄以待之則一旦欲用索之而不得故特宜先備亦猶賢者之不可不預蓄也越王勾踐棲於會稽之上求謀士退吳者大夫種進對曰臣聞賈人夏則資皮冬則資絺旱則資舟水則資車以待乏也夫雖無四方之憂然諫臣與

爪牙之士不可不養而擇也譬如蓑笠時雨既至必求之今君
王既棲於會稽之上然後乃求謀臣無乃後乎是古者蓄蓑笠
以備患比之賢者之待難矣臺蓋賤者所服都人士述衣服之
制蓋此詩所述皆儉狐裘黃黃黃狐不足貴臺笠緇撮臺笠止
兩緇撮通貴賤始冠之服充耳琇實琇雖美而石垂帶而厲帶
長而已傷今人之不遵郊特牲曰黃衣黃冠而祭息田夫也野
夫黃冠黃冠草服也狐裘黃衣以裼之黃黃謂此大羅氏天子
之掌鳥獸者也諸侯貢屬焉草笠而至尊野服也臺笠謂此蜡
禮自伊耆氏始蓋已久矣然猶存其衣服之制謹而不敢變可

謂衣服不貳從容有常矣此所以傷不復見古之人也毛氏云臺所以禦暑笠所以禦雨箋云臺夫須也以臺皮爲笠毛氏知臺笠爲二物但獨言笠禦雨未詳鄭氏則言臺皮爲笠夫臺但可以爲衣不可爲笠古稱臺笠蓑笠自謂臺與笠爾不必以臺笠緇撮之語必欲合爲一物也越語所謂蓑笠已見上文又齊語曰今夫農時雨旣至脫衣就功首戴茅蒲身衣襪襪韋昭曰茅蒲笠笠也茅或作萌萌竹萌之皮所以爲笠則笠不用臺爲可知又曰襪襪蓑蓑衣也則襪襪以莎草爲之今人作笠亦多編筍皮及箬葉爲之其臺爲衣編之若甲氎氎而垂故雨順注

而下然或藉而卧則不能隔雨山海經曰三危之山有獸其豪如被蓑郭氏云蓑被雨衣則莎但可爲衣不可爲笠明矣臺一名曰夫須蓋匹夫所須

清異錄香附子湖湘人謂之回頭青言就地剗去轉首已青也廣雅疏證地毛莎隋也爾雅云蒹蒨夏小正云正月緹縞傳云縞也者莎隨也緹也者其實也隋與隨同楚詞拾隱土云青莎雜樹兮蒨草霍靡淮南覽冥訓云路無莎蒨皆是也說者以爲莎卽爾雅臺夫須小雅南山有臺義疏云舊說夫須莎草可爲蓑笠御覽引廣志云莎可以爲雨衣雨衣卽蓑也唐

本草注云莎草根名香附子一名雀頭香所在有之莖葉都似
三棱根若附子周匝多毛交州者最勝大者如棗近道者如杏
仁許荆襄人謂之莎草根

蒟醬

唐本草蒟醬味辛溫無毒主下氣溫中破痰積生巴蜀註蜀都賦所謂流味於番禺者蔓生葉似王瓜而厚大味辛香實似桑椹皮黑肉白西戎亦時將來細而辛烈或謂二種交州愛州人云蒟醬人家多種蔓生子長大謂苗爲浮留藤取葉合檳榔食之辛而香也

圖經蒟醬生巴蜀今夔州嶺南皆有之昔漢武使唐蒙曉諭南越南越食蒙以蒟醬蒙問所從來答曰西北牂牁江廣數里出番禺城下武帝感之於是開牂牁越雋也劉淵林註蜀都賦云

蒟醬緣木而生其子如桑椹熟時正青長二三寸以蜜藏而食之辛香溫調五藏今云蔓生葉似王瓜而厚大實皮黑肉白其苗爲浮留藤取葉合檳榔食之辛而香也兩說大同小異然則淵林所云乃蜀種如此今說是海南所傳耳今惟貴葦撥而不尙蒟醬故鮮有用者

海藥本草謹按廣州記云波斯國文實狀若桑椹紫褐色者爲上黑者是老不堪黔中亦有形狀相似滋味一般主欬逆上氣心服蟲痛胃弱虛瀉霍亂吐逆解酒食味近多黑色少見褐色者也

南方草木狀蒟醬葍荑也生於番國者大而紫謂之葍荑生於番禹者小而青謂之蒟焉可以調食謂之醬焉交趾九真人家多種蔓生

益部方物記蔓附本生實若椹纍或曰浮留南人採之和以爲醬五味皆宜右蒟出渝瀘茂威等州卽漢唐蒙所得者葉如王瓜厚而澤實若桑椹緣木而蔓子熟時外黑中白長三四寸以蜜藏而食之辛香能溫五臟或用作醬善和食味或言卽南方所謂浮留藤取葉和檳榔食之

本草綱目李時珍曰蒟醬兩廣滇南及川南渝瀘茂威施諸州

皆有之其苗謂之蔓葉蔓生依樹根大如筋彼人食檳榔者以此葉及蚌灰少許同嚼食之云辟瘴癘去胸中氣故諺曰檳榔淨留可以忘憂其花實卽蒟子也按稽含草木狀云蒟醬卽葍菱也生於番國者大而紫謂之葍菱生於番禺者小而青謂之蒟子本草以蒟易葍子非矣葍子一名扶留其草形全不相同時珍竊謂蒟子蔓生葍草生雖同類而非一物然其花實氣味功用則一稽氏以二物爲一物謂蒟子非扶留蓋不知扶留非一種也劉欣期交州記云扶留有三種一名獲留其根香美一名扶留其藤味亦辛一名南扶留其葉青味辛是矣今蜀人

惟取萋葉作酒麴云香美

赤雅蒟醬猺崗中家家用之以葺芩爲主雜以香草味雖佳不足爲異耳史記唐蒙風曉南越蒙食蒟醬問所從來道西北牂牁故蜀都賦云蒟醬流味於番禺之鄉今問之番禺無有知者惟出自牂牁故云流味也葺芩吾家蛤萋也師古注本草注楊用修張孟奇辨之皆誤

按齊民要術廣志曰蒟子蔓生依樹子似桑椹長數寸色黑辛如薑以鹽醃之下氣消穀生南安顧微廣州記曰扶留藤綠樹生其花實卽蒟也以扶留爲蒟僅見於此扶留葉可食

蒟葉不可食滇南元江州志辨別甚晰餘皆沿訛緣未目覩
元江州志蘆子產山谷中蔓延叢生夏花秋實土人採之日乾
收貨

說文解字注蒟果也史記漢書有蒟醬左思蜀都賦常璩華陽
國志作蒟史記亦或作枸據劉逵顧微宋祁諸家說卽扶留藤
也葉可用食檳榔實如桑葚而長名蒟可爲醬巴志曰樹有荔
支蔓有辛蒟然則此物藤生緣木故作蒟從艸亦作枸從木要
必一物也許君木部有枸字云可爲醬於艸部又有蒟字蓋不
能定而兩存之次於葚者以其實似葚也其實名蒟故云果也

果木實也當云蒟果也爲三字句从艸苟聲俱羽切五部

又枸枸木也可爲醬出蜀史漢皆云枸醬詳艸部蒟下從木句聲俱羽切四部按小雅南山有枸毛曰枸枳枸也枳枸卽禮記之棋許於枸下不言枳枸棋字亦不錄

成都府志蒟醬寰宇記出成都如今之大葷撥

和物名實圖考

蔓葉

齊民要術吳錄地理志曰始興有扶留藤緣木而生味辛可以食檳榔蜀記曰扶留木根大如箸視之似柳根又有蛤名古賁生水中用燒以爲灰曰牡蠣粉先以檳榔著口中又取扶留藤長一寸古賁灰少許同嚼之除胸中惡氣異物志曰古賁灰牡蠣灰也與扶留檳榔三物合食然後善也扶留藤似木防已扶留檳榔所生相去遠爲物甚異而相成俗曰檳榔扶留可以忘憂交州記曰扶留有三種一名獲扶留其根香美一名南扶留葉青味辛一名扶留藤味亦辛

南越筆記萋以東安富霖所產爲上其根香其葉尖而柔味甘
多汁名曰獲扶留他產者色青味辣名南扶留殊不及然番禺
大塘康樂鷺岡鳳岡頭諸村及新興陽春所產亦美冬間以萋
草覆之稍沾霜雪立萎矣凡食檳榔必以萋葉爲佐有夫婦相
須之義故粵人以爲聘果

元江州志萋葉家園遍植葉大如掌纍藤於樹無花無果冬夏
長青採葉合檳榔食之味香美

鬱金

唐本草鬱金味辛苦寒無毒主血積下氣生肌止血破惡血血淋尿血金瘡註此藥苗似薑黃花白質紅末秋生莖心無實根赤黃取四畔子根去皮火乾之生蜀地及西戎馬藥用之破血而補胡人謂之馬遶嶺南者實似小豆蔻不堪噉

藥性論云鬱金單用亦可治女人宿血氣心痛冷氣結聚温醋摩服之亦啖馬藥用治腹脹

圖經鬱金本經不載所出州土蘇恭云生蜀地及西戎胡人謂之馬遶今廣南江西州郡亦有之然不及蜀中者佳四月初生

苗似薑黃花白質紅末秋出莖心無實根黃赤取四畔子根去皮火乾之古方稀用今小兒方及馬醫多用之謹按許慎說文解字云鬱芳草也十葉爲貫百二十貫築以煮之爲鬱鬱今鬱林郡也本部中品有鬱金香云生大秦國二月三月有花狀如紅藍其花卽香也陳氏云爲百草之英旣云百草之英乃是草類只與此同名而在木部非也今人不復用亦無辯之者故但附於此耳

本草衍義鬱金不香今人將染婦人衣最鮮明然不奈日炙染成衣則微有鬱金之氣

本草綱目李時珍曰鬱金有二鬱金香是用花見本條此是用根者其苗如薑其根大小如指頭長者寸許體圓有橫紋如蟬腹狀外黃內赤人以浸水染色亦微有香氣

廣西通志羅城縣出鬱金香又曰鬱金葉似薑黃根如螳螂肚味辛辣苦寒無毒

焦循毛詩補疏秬鬯一卣傳鬯香草也築煮合而鬱之曰鬯循按春官鬯人凡王弔臨共介鬯鄭司農云鬯香草王行弔喪被之故曰介疏引王度記天子以鬯諸侯以薰大夫以蘭士以蕭庶人以艾鬯與薰蘭等並言是爲香草名又引禮緯云鬯草生

庭鬯之爲草其說舊矣傳曰合而鬱之此以爲鬱積不以爲鬱
金草也肆師祭祀之日及裸築鬻鄭司農云築煮築香草煮以
爲鬯鬱人凡祭祀賓客之裸事和鬱鬯以實鬯而陳之鄭司農
云鬱草名十葉爲貫百二十貫爲築以煮之鑊中停於祭前鬱
爲草若蘭此以鬱爲草名築煮之則名鬯與毛傳義異鄭康成
注鬱鬱金香草也宜以和鬯注鬯人云鬯釀秬爲酒芬香條暢
於上下也此箋云秬鬯黑黍酒也是以鬱爲草名鬯爲酒名與
毛傳異與鄭司農亦異蓋以郊特牲云鬱合鬯蕭合黍稷又周
禮鬱人別於鬯人故也因爲通考之雜記云暢曰以栭杵以梧

暢卽鬯

漢書律歷志然後陰陽萬物靡不條鬯該成顏師古云鬯與暢同房中歌清明鬯矣顏師古云鬯古暢字

杵擣築之器冠以鬯字則鬯非酒名說苑云鬯百草之本上暢于天下暢于地無所不暢故天子以鬯爲贄春秋繁露執贄篇云天子用暢積美陽芬香以通之天暢亦取百香之心獨末之合之爲一而達其臭味水經注引應劭風俗記鬱芬草也百草之華煮以合釀黑黍傳以築煮合而鬱之爲鬯亦非以鬯卽是草名正以百草之英爲說也而裸將於京注云裸灌鬯也黃流在中傳云流鬯也是又以鬯爲酒矣鄭氏以秬鬯爲無鬱之酒而鬯人共鬯注又云鬯尸以鬯酒使之香美者疏云此鬯酒

中兼有鬱金香草故得香美也是亦以鬯而兼鬱矣因以經文考之鬯人大喪共鬯以沃尸王齊共秬鬯以給淬浴斷無以酒浴者又臨弔被合鬯酒則何以言被司尊彛凡六彝六尊之酌鬱齊獻酌注引郊特牲云汁獻況於醴酒彼注云謂沛秬鬯以醴酒也獻讀當爲莎齊語也秬鬯者中有煮鬱和以益齊摩莎沛之出其香汁因謂之汁莎鬱人亦言和鬱鬯以實彛是鬱鬯必俟和於酒而鬱鬯非酒也蓋鬱爲香草名擣煮合而釀成之謂之鬯所以釀之用黍故又曰秬鬯今人擣諸香草之屑合之稻米搏以爲佩俗稱以香料卽鬯之遺制也用於祿則和醴酒

而涕之用於浴則和水以供之用於弔喪則不和而被之鬯人
汎掌諸鬯鬱人專主灌酌職有不同故名有各異以鬯爲香草
者從其本也

薑黃

唐本草薑黃味辛苦大寒無毒主心腹結積疰忤下氣破血除風熱消癰腫功力烈於鬱金註葉根都似鬱金花春生於根與苗並出夏花爛無子根有黃青白三色其作之方法與鬱金同爾西戎人謂之遑藥其味辛少苦多與鬱金同惟花生異爾

本草拾遺云薑黃真者是經種三年已上老薑能生花花生根際一如蘘荷根節緊硬氣味辛辣種薑處有之終是難得性熱不冷本經云寒誤也破血下氣西蕃亦有來者與鬱金遑藥相似如蘇恭說卽是遑藥而非薑黃蘇云薑黃是遑又云鬱金是

胡蘧夫如是則三物無別遞相連名總稱爲蘧功狀則合不殊
今蘧味苦色青薑黃味辛溫無毒色黃主破血下氣溫不寒鬱
金味苦寒色赤主馬熱病三物不同所用各別

圖經薑黃舊不載所出州郡今江廣蜀川多有之葉青綠長一
二尺許闊三四寸有斜文如紅蕉葉而小花紅白色至中秋漸
凋春末方生其花先生次方生葉不結實根盤屈黃色類生薑
而圓有節或云眞者是經種三年以上老薑能生花花在根際
一如蕘荷根節堅硬氣味辛辣種薑處有之八月採根片切暴
乾蜀人以治氣脹及產後敗血攻心甚驗蠻人生噉云可以祛

邪辟惡謹按鬱金薑黃逆藥三物相近蘇恭不細辯所說乃如
一物陳藏器解紛云逆味苦色青薑黃味辛溫色黃鬱金味苦
寒色赤主馬熱病三物不同所用各別又劉涓子注吳都賦薑
朶非一云薑朶大如螺氣猛近於臭南土人擣之以爲齏麥一
名廉薑生沙石中薑類也其味大辛而香削皮以黑梅并鹽汁
漬之乃成也始安有之據此廉薑亦是其類而自是一物耳都
下近年多種薑徃徃有薑黃生賣乃是老薑市人買生噉之云
治氣爲最醫家治氣藥大方中亦時用之

南城縣志薑黃出裏龜者良有母黃子黃之別

木牛名實圖三
按南城種薑黃如種菜畦其根染黃商販他處頗爲民利凡
饊餌黃色者皆以此染余取而視之其根黃形如薑葉如美
人蕉三年老薑之說可謂捫鍾揣籥

薄荷

唐本草薄荷味辛苦温無毒主賊風傷寒發汗惡氣心腹脹滿霍亂宿食不消下氣煮汁服亦堪生食人家種之飲汁發汗大解勞乏註莖葉似荏而尖長根經冬不死又有蔓生者功用相似

圖經薄荷舊不著所出州土而今處處皆有之莖葉似荏而尖長經冬根不死夏秋採莖葉暴乾古方稀用或與薤作齏食近世醫家治傷風頭腦風通關格及小兒風涎爲要切之藥故人家園庭間多蒔之又有胡薄荷與此相類但味少甘爲別生江

浙間彼人多以點茶飲之俗呼新羅薄荷近京僧寺亦或植一
二本者天寶方名連錢草者是石薄荷生江南山石上葉微小
至冬而紫色此一種不聞有別功用凡新大病差人不可食薄
荷以其能發汗恐虛人耳字書作菝茀

本草衍義薄荷世謂之南薄荷爲有一種龍腦薄荷故言南以
別之小兒驚風壯熱須此引藥猫食之卽醉物相感爾治骨蒸
熱勞用其汁與衆藥熬爲膏

本草綱目李時珍曰薄荷人多栽蒔二月宿根生苗清明前後
分之方莖赤色其葉對生初蒔形長而頭圓及長則尖吳越川

湖人多以代茶蘇州所蒔者莖小而氣芳江西者稍粗川蜀者更粗入藥以蘇產爲勝物類相感志云凡收薄荷須隔夜以糞水澆之雨後乃悉刈收則性涼不爾不涼也野生者莖葉氣味都相似

又曰薄荷俗稱也陳士良食性本草作菘藳楊雄甘泉賦作芟菘呂忱字林作芟苦則薄荷之爲訛稱可知矣孫思邈千金方作蕃荷又方音之訛也今人藥用多以蘇州者爲勝故陳士良謂之吳菘藳以別胡菘藳也

貴耳集楊伯洪知黃州忽一日早飯覺有薄荷氣食之而疑素

養白雞黑犬就其內飼之雞與犬俱斃有孫來前以匙數粒食之晚亦斃楊始驚急服解毒藥嘔血數升遂將庖者鞠之乃云童德興授其藥庖則荆湖制司人後改爲飯局童諭之藥不驗當以薄荷可發朝廷知之差中使齎金器宣賜兼撫問伯洪引庖者對中使自白本末中使亦驚復奏童德興赴召慮事覺先飲藥而卒

發蒙記貓以薄荷爲酒謂飲之卽醉也

山薑

本草拾遺山薑味辛溫去惡氣溫中中惡霍亂心腹冷痛功用如薑南人食之根及苗並如薑而大作樟木臭又有獐子薑黃色而緊味辛辣破血氣殊強此薑

本草綱目李時珍曰山薑生南方葉似薑花赤色甚辛子似草豆蔻根如杜若及高良薑今人以其子偽充草豆蔻然甚猛烈

按山薑江西湖南山中多有之根如薑葉大於薑而有紋理

稍柔秋時就根發花與薑花同

他處薑皆未見開花南安種薑成畦時有抽苗開花者余

親採花老結子如豆蔻殼紅如血氣極薰烈李時珍所謂一

種火楊梅或云卽山薑實當卽此衡山僞充黃精卽山薑根以其味不甚辛耳志謂良薑根亦未深考圖經及綱目引據開花形狀皆與良薑無別考藥性論云根苗並如薑南人食之嶺表錄異云根不堪食顯是二物高良薑葉微似蕉而小滑潤山薑葉與薑無別高良薑根可入藥不可食山薑根可食不堪入藥以此分別犁然列眉或云衡山山薑卽黃精之不對葉者非此物

廉薑

本草拾遺廉薑似薑生嶺南劍南人多食之治胃中冷吐水不下食

齊民要術廣雅曰蒨蒨廉薑也吳錄曰始安多廉薑食經曰蒨薑法蜜煮烏梅去滓以漬廉薑再三宿色黃赤如琥珀多年不壞

本草綱目李時珍曰按異物志云生沙石中似薑大如羸氣猛近於臭南人以爲壘其法除皮以黑梅及鹽汁漬之乃成也又鄭樵云廉薑似山薑而根大

按江西園圃中多有之似薑無花實高五六尺俗呼野生薑
說文解字注蔞薑屬可目香口既夕禮實綏澤焉注綏廉薑澤
澤蘭也皆取其香且禦溼按綏者蔞之段借字一名山辣今藥
中三柰也吳都賦謂之薑彙从艸俊聲息遺切十五部 三柰誤

廣雅疏證廉薑蔞也說文蔞薑屬可以香口字或作綏士喪禮
記茵箸用茶實綏澤焉注云綏廉薑也取其香且御溼或作浚
鹽鐵論散不足篇云浚苾蓼蘇或作菱劉逵吳都賦注引異物
志云菱一名廉薑生沙石中薑類也其莖太辛而香削皮以黑
梅并鹽汁漬之則成也始安有之或作菱潘岳閔居賦云蓼菱

芬芳御覽引劉楨清慮賦云俯拔廉薑又引此作蒹葭廉薑也
齊民要術同

藹車香

本草拾遺藹車香味辛溫主鬼氣去臭及蟲魚蛀蠹生彭城高數尺白花爾雅曰藹車芑輿郭注云香草也廣志云黃葉白花也

海藥按廣志云生海南山谷陳氏云生徐州微寒無毒主霍亂辟惡氣薰衣甚好齊民要術云凡諸樹有蛀者煎此香冷淋之善辟蛀蟲也

甲煎

本草拾遺甲煎味辛平無毒主甲疽瘡及雜瘡難差者蟲蜂蛇
蠍所螫疼小兒頭瘡吻瘡耳後月蝕瘡並傳之今諸藥及美果
花燒成灰和蠟成口脂所主與甲煎畧同三年者治蟲雜瘡及
口旁囓瘡甲疽等瘡

京三棱

嘉祐本草京三棱味苦平無毒主老癰癥瘕結塊俗傳昔人患癥癰死遺言令開腹取之得病塊乾硬如石文理有五色人謂異物竊取削成刀柄後因以刀刈三棱柄消成水乃知此可療癥癰也黃色體重狀若鯽魚而小又有黑三棱狀似烏梅而稍大有鬚相連蔓延體輕爲療體並同

圖經京三棱舊不著所出地土今河陝江淮荆襄間皆有之春生苗高三四尺似菱蒲葉皆三棱五六月開花似莎草黃紫色霜降後採根削去皮鬚黃色微苦以如小鯽魚狀體重者佳多

生淺水傍或陂澤中其根初生成塊如附子大或有扁者傍生
一根或成塊亦出苗其不出苗只生細根者謂之雞爪三棱又
不生細根者謂之黑三棱大小不常其色黑去皮卽白河中府
又有石三棱根黃白色形如釵股葉綠色如蒲苗高及尺葉上
亦有三棱四月開花白色如紅蓼花五月採根亦消積氣下品
別有草三棱條云生蜀地卽雞瓜三棱也其實一類故附見於
此一說三棱生荆楚字當作荆以著其地本經作京非也今世
都不復有三棱所用皆淮南紅蒲根也泰州尤多舉世皆用之
雖太醫不以爲謬蓋流習旣久用根者不識其苗採藥者莫究

其用因緣差失不復更辯今三棱荆湖江淮水澤之間皆有葉似莎草極長莖三棱如削大如人指高五六尺莖端開花大體皆如莎草而大生水際及淺水中苗下卽塊其旁有根橫貫一根則連數塊塊上發苗採時斷其苗及橫根形扁長如鯽魚者三棱也根末將盡一塊未發苗小圓如烏梅者黑三棱也又根之端鈎屈如爪者爲雞爪三棱皆皮黑肌白而至輕三者本一物但力有剛柔各適其用因其形爲名如烏頭烏喙雲母雲華之類本非兩物也今人乃妄以鳧茨香附子爲之又本草謂京三棱形如鯽魚黑三棱如烏梅而輕今紅蒲根至堅重刻削而

本草綱目卷之二十一
成莫知形體又葉扁莖圓不復有三稜處不知何緣名三稜也
今三稜皆獨傍引二根無直下根其形大體多亦如鯽魚

救荒本草黑三稜舊云河陝江淮荆襄間皆有之今鄭州賈峪
山澗水邊亦有苗高三四尺葉似菖蒲葉而厚大背皆三稜劍
脊葉中攬葶葶上結實攢爲刺毬狀如楮桃樣而三顆瓣甚多
其顆瓣形似草決明子而大生則青熟則紅黃色根狀如烏梅
而頗大有鬚蔓延相連比京三稜體微輕其葶味甜根味苦採
嫩葶剝去麤皮燥熟油鹽調食

本草綱目李時珍曰三稜多生廢陂池濕地春時叢生夏秋抽

高莖莖端復生數葉開花六七枝皆細碎成穗紫色中有細子
其葉莖花實俱有三稜並與香附苗葉花實一樣但長大爾其
莖光滑三稜如椶之葉莖莖中有白穰剖之織物柔韌如藤呂
忱字林云琴草生水中根可緣器卽此草莖非根也抱樸子言
琴根化鱗亦是此草其根多黃黑鬚削去鬚皮乃如鯽狀非本
根似鯽也

說文解字注芡艸也上林賦蔣芡青蘋張揖曰芡三稜也郭樸
音杼按三稜者蘇頌圖經所謂葉似莎草極長莖三稜如削高
五六尺莖端開花是也江蘇蘆灘中極多呼爲馬芡音同寧莖

可繫物亦可辨之爲索南都賦薦苧績莞李注引說文苧可以爲索蓋賦文本作苧文選上林賦亦作苧苧者苧之別字从艸予聲復呂切五部可呂爲繩

紅豆蔻

嘉祐本草紅豆蔻味辛溫無毒主腸虛水瀉心腹攪痛霍亂嘔吐酸水解酒毒不宜多食令人舌龔不思飲食云是高良薑子其苗如蘆葉似薑花作穗嫩葉卷而生微帶紅色生南海諸谷海藥本草擇嫩者加入鹽纍纍作朵不散落須以朱槿染令色深善於醒醉解酒毒此外無諸要使也

桂海虞衡志紅豆蔻花叢生葉瘦如碧蘆春末發初開花先抽一幹有大穉包之穉解花見一穗數十葉淡紅鮮妍如桃杏花色藥重則下垂如葡萄又如火齊纓絡及翦絲鸞枝之狀此花

無實不與草豆蔻同種每藥心有兩瓣相並詞人託興曰比目
連理云

馬蘭

嘉祐本草馬蘭味辛平無毒主破宿血養新血合金瘡斷血痢
蠱毒解酒疸止鼻衄吐血及諸菌毒生搗傅蛇咬生澤傍如澤
蘭氣臭楚詞以惡草喻惡人北人見其花呼爲紫菊以其花似
菊而紫也又山蘭生山側似劉寄奴葉無極不對生花心微黃
赤亦大破血皆可用

救荒本草馬蘭頭苗高一二尺莖亦紫色葉似薄荷葉邊皆鋸
齒又似地瓜兒葉微大又有山蘭生山側似劉寄奴葉無極不
對生花心微黃赤採嫩苗葉燂熟新汲水浸去辛味淘洗淨油

鹽調食

本草綱目李時珍曰馬蘭湖澤卑濕處甚多二月生苗赤莖白根葉有刻齒狀似澤蘭但不香爾南人多采灼曬乾爲蔬及饅餠入夏高二三尺開紫花花罷有細子

鬱金香

嘉祐本草鬱金香味苦温無毒主蠱疰諸毒惡氣鬼疰鴟鵂等
臭陳氏云其香十二葉爲百草之英按魏畧云生大秦國二月三
月有花狀如紅藍四月五月採花卽香也

本草拾遺鬱金香平入諸香藥用之說文鬱金芳草也十二葉
爲貫捋以煮之用爲鬯爲百草之英合而釀酒以降神也以此
言之則草也不當附於木部

癸辛雜識明堂所用鬱鬯凡三十斤取之信州吏云實未嘗用
用之大毒能殺人蓋文具久矣

本草綱目李時珍曰按鄭元云鬱草似蘭楊孚南州異物志云鬱金出劇賓國人種之先以供佛數日萎然後取之色正黃與芙蓉花裏嫩蓮者相似可以香酒又唐書云太宗時伽毘國獻鬱金香葉似麥門冬九月花開狀似芙蓉紫碧香聞數十步花而不實欲種者取根二說皆同但花色不同種或不一也古樂府云中有鬱金蘇合香者是此鬱金也晉左貴嬪有鬱金頰曰伊有奇草名曰鬱金越自殊域厥珍來尋芳香酷烈悅目怡心明德惟馨淑人是欽

爾雅翼鬱鬱金也其根芳香而色黃古者釀黑黍爲酒所謂秬

者以鬱草和之則酒色香而黃在器流動詩所謂黃流在中者也周禮有鬱人掌裸器凡祭祀賓客之裸事和鬱鬯以實鬯而陳之又有鬯人掌共秬鬯而飾之先儒以爲鬱者築鬱金煮之以和鬯酒鬱草名爲草若蘭十葉爲貫百二十貫爲築以煮之鑊中停於祭前鬯謂不和鬱者釀黍爲酒芬芳條暢於上下也其祭社崇門共秬鬯雖云無鬱亦尸所飲以灌地其汁下入於地其氣上升於天故云條暢於上下然則黑黍爲酒謂之鬯加鬱則爲鬱爾然秬鬯亦是兼鬱之通名故鄭注汁獻澆於醴酒云秬鬯者中有煮鬱和以益齊說苑云鬯者百草之本也上暢

於天下暢於地無所不暢故天子以鬯爲贄說文解鬯字云以
秬釀鬱草芬芳攸服以降神也又解鬱字云鬱鬯百草之華遠
方鬱人所貢芳草合釀之以降神鬱今鬱林郡也然則自常言
之鬯亦可以兼鬱鬱鬯對言之則當致其辨爾

鬱金香 附錄

詩經釐爾圭瓚秬鬯一卣告于文人傳秬黑黍也鬯香草也築
煮合而鬱之曰鬯疏禮記有鬱鬯者築鬱金之草而煮之以和秬
黍之酒使之芬香條鬯故謂之鬱鬯鬯非草名而此傳言鬯草
者蓋亦謂鬱爲鬯草何者禮緯有秬鬯之草中侯有鬯草生郊
皆爲鬱金之草也以其可和秬鬯故謂之鬯草毛言鬯草蓋亦
然也言築煮合而鬱之謂築此鬱草又煮之乃與秬鬯之酒合
和而鬱積之使氣味相入乃名曰鬯言合而鬱積之非草名如
毛此意言秬鬯者必和鬱乃名鬯未和不爲鬯與鄭異也孫毓

云鬱是草名今之鬱金煮以和酒者也鬯是酒名以黑黍和一
秬二米作之芬香條鬯故名曰鬯鬯非草名古今書傳香草無
稱鬯者

周禮鬱人掌裸器凡祭祀賓客之裸事和鬱鬯以實彘而陳之
註築鬱金煮之以和鬯酒鄭司農云鬱草名十葉爲貫百二十
貫爲築以煮之鑊中停於祭前鬱爲草若蘭疏鄭知築鬱金草
煮之者見肆師云築鬯故知之也司農云十葉爲貫百二十貫
爲築者未知出何文云以煮之鑊中停於祭前者此似直煮鬱
停之無鬯酒者文畧其實和鬯酒也云鬱爲草若蘭者蘭則蘭

芝以其俱是香草故此類言之按王度記云天子以鬯諸侯以薰大夫以蘭芝士以蕭庶人以艾此等皆以和酒諸侯以薰謂未得圭瓚之賜得賜則以鬯耳王度記云天子以鬯及禮緯云鬯草生庭皆是鬱金之草以其和鬯酒因號爲鬯草也

通志鬱金卽薑黃周禮鬱人和鬱鬯注云煮鬱金以和鬯酒又云鬱爲草若蘭今之鬱金作燻潘臭其若蘭之香乃鬱金香生大秦國花如紅藍花四五月採之卽香陳藏器謂說文云鬱芳草也十葉爲貫捋以煮之用爲鬯爲百草之英合而釀酒以降神也然大秦國去長安四萬里至漢始通不應三代時得此草

也或云鬱金與薑黃自別亦芬馨恨未識耳

梁書扶南國傳天監十八年遣使獻火齊珠鬱金蘇合等香

中天竺國傳中天竺國在大月支東南數千里地方三萬里二

名身毒其西與大秦安息交市海中多大秦珍物珊瑚琥珀金

碧珠璣琅玕鬱金蘇合蘇合是合諸香汁煎之非自然一物也

又云大秦人採蘇合先竿其汁以爲香膏乃賣其滓與諸國賈

人是以展轉來達中國下大香也鬱金獨出罽賓國華色正黃

而細與芙蓉裹被蓮者相似國人先取以上佛寺積日香稿乃

糞去之賈人從寺中徵顧以轉賣與佗國也

周書波斯傳波斯國大月氏之別種治蘇利城古條支國也土出薰陸鬱金蘇合青木等香

高僧傳摩訶利頭四月八日浴佛以都梁香爲青色水鬱金香爲赤色水邱隆香爲白色水附子香爲黃色水安息香爲黑色水以灌佛頭也

唐書天竺國傳天竺國以貝齒爲貨有金剛旃檀鬱金與大秦扶南交趾相貿易貞觀十五年遣使者上書獻火珠鬱金菩提樹

烏茶傳烏茶者一曰烏伏那亦曰烏菴產金鐵蒲殖鬱金稻歲

熟

康者傳東安國在那密水之陽開元十四年其王篤薩波提遣弟阿悉爛達拂耽發黎來朝納馬豹後八年獻鬱金香石蜜等大勃律傳大勃律或曰布露地宜鬱金

謝颺傳謝颺居吐火羅西南本曰漕矩吒或曰漕矩多鬱金崖草

箇失蜜傳箇失蜜或曰迦濕彌羅地出火珠鬱金

唐紀太宗時伽毘國獻鬱金香葉似麥門冬九月開花狀似芙蓉其色紫碧香聞數十步花而不實欲種者取根

水經注秦桂林郡漢武帝元鼎六年更名鬱林郡王莽以爲鬱平郡矣應劭地理風俗記曰周禮鬱人掌裸器凡祭醲賓客之裸事和鬱鬯以實尊彛鬱芳草也百草之華煮以合釀黑黍以降神者也或說今鬱金香是也一曰鬱人所貢因氏郡矣

蓬莪莪

嘉祐本草蓬莪莪味苦辛溫無毒主心腹痛中惡疰忤鬼氣霍亂冷氣吐酸水解毒食飲不消酒研服之又療婦人血氣丈夫奔狫生西戎及廣南諸州註子似乾椹葉似蘘荷莪在根下並生一好一惡惡者有毒西戎人取之先放羊食羊不食者棄之圖經蓬莪莪生西戎及廣南諸州今江浙或有之三月生苗在田野中其莖如錢大高二三尺葉青白色長一二尺大五寸已來頗類蘘荷五月有花作穗黃色頭微紫根如生薑而莪在根下似雞鴨卵大小不常九月採削去麤皮蒸熟暴乾用此物極

木牛名實圖示
堅硬難搗治用時熱灰火中煨令透熟乘熱入臼中搗之卽碎
如粉古方不見用者今醫家治積聚諸氣爲最要之藥與京三
棱同用之良婦人藥中亦多使

零陵香

嘉祐本草零陵香味甘平無毒主惡氣疰心腹痛滿下氣令體香和諸香作湯丸用之得酒良生零陵山谷葉如羅勒南越志名燕草又名薰草卽香草也山海經云薰草麻葉方莖氣如麝蕪可以止癘卽零陵香也

圖經零陵香生零陵山谷今湖嶺諸州皆有之多生下濕地葉如麻兩兩相對莖方氣如麝蕪常以七月中旬開花至香古所謂薰草是也或云蕪草亦此也又云其莖葉謂之蕪其根謂之薰三月採脫節者良今嶺南收之皆作窰竈以火炭焙乾令黃

博物志 卷之六
色乃佳江淮間亦有土生者作香亦可用但不及湖嶺者芬薰耳古方但用薰草而不用零陵香今合香家及面膏澡豆諸法皆用之都下市肆貨之甚多

本草衍義零陵香至枯乾猶香入藥絕可用婦人浸油飾髮香無以加此卽蕙草是也

別錄薰草一名蕙草生下濕地三月採陰乾脫節者良蕙實生魯山平澤陶隱居曰桐君藥錄薰草如麻兩兩相對山海經云浮山有草麻葉而方莖赤華而黑實氣如薜蘿名曰薰草可以已癘今方俗皆呼蕙草狀如茅而香者爲薰草人家頗種之者非

也詩書多用蕙而竟不知是何草尙其名而迷其實皆此類也
補筆談零陵香本名蕙古之蘭蕙是也又名薰左傳曰一薰一
猶十年尙猶有臭卽此草也唐人謂之鈴鈴香亦謂之鈴子香
謂花倒懸枝間如小鈴也至今京師人買零陵香須擇有鈴子
者鈴子乃其花也此本鄙語文字以湖南零陵郡遂附會名之
後人又收入本草殊不知本草正經自有薰草條又名蕙草注
釋甚明南方處處有本草附會其名言出零陵郡亦非也

嶺外代答零陵香出猺洞及靜江融州象州凡深山水陰沮洳
之地皆可種也逐節斷之而栽其節隨手生矣春暮開花結子

即可割薰以煙火而陰乾之商人販之好事者以爲座褥卧薦相傳言在嶺南不香出嶺則香謂之零陵香靜江舊屬零陵郡也

按廣西志零陵香葉酷似杜若紅白相間又呼千步香其說與諸書全乖不知其何香也

蔡條鐵圍山叢談零陵香草生九疑間實產舜墓然今二廣所向多有之在嶺南初不大香一時出嶺北則氣頓馨烈南方至易得富者往往組以爲牀薦也

爾雅翼蘭蕙之名實已詳辨之諸家說蕙乃蕙草蓋卽薰草今

之零陵香南越名燕草者西山經曰浮山有草名曰薰草麻葉而方莖赤華而黑實臭如薜蘿可以已厲蓋能去惡臭令身香故古之祓除以此草薰之因謂之薰草齊得管仲三薰三浴之釁或爲薰是也古稱薰猶不同器而傳又曰一薰一蕕十年尙猶有臭以薰香而猶臭慮爲臭所奪故也未始以爲蕕至王逸章句始云菌薰也葉曰蕕根曰薰陳藏器亦云薰草一名蕕草薰草爲蕕蓋始於此古今稱蕕草晚莫知其說博物志乃云君子國多薰華之草薰華朝生而夕死然則蕕草之晚蓋亦謂薰又七諫曰飲菌若之朝露言此草旣朝生而夕死則飲其露者

尤不可遲也莊子所謂朝菌豈亦謂此耶然司馬云大芝支遁云舜華許慎云朝生暮死之蟲其說各異故不可得而一

廣雅疏證薰草蕙草也僖四年左傳一薰一蕕杜注云薰香草西山經曰浮山有草焉名曰薰草麻葉而方莖赤華而黑實臭如薜蘿佩之可以已癘古者祭則煮之以祿周官鬱人疏引王度記云天子以鬯諸侯以薰大夫以蘭菑是也或以爲香燒之淮南說林訓云腐鼠在壇燒薰於宮漢書龔勝傳云薰以香自燒是也離騷云豈惟紉夫蕙菑王逸注云蕙香草也西山經云天帝之山下多菅蕙藝文類聚引廣志云蕙草綠葉紫華魏武

帝以爲香燒之名醫別錄云薰草一名蕙草生下濕地陶注云俗人呼燕草狀如茅而香者爲薰草人家頗種之引藥錄云葉如麻兩兩相對陳藏器云卽是零陵香薰草人家種之離騷所謂樹蕙之百畝者矣

又茵薰也其葉謂之蕙上文云薰草蕙草也則薰卽是蕙此又以葉爲蕙者從離騷注也離騷云雜申椒與茵桂兮王逸注云茵薰也葉曰蕙根曰薰洪興祖補注云下文別言蕙蔭又云矯茵桂以紉蕙則茵桂自是一物本草有茵桂花白藥黃正圓如竹茵一作筩其字從竹五臣以爲香木是矣按洪說是也申椒

與菌桂對文菌桂之不分爲二猶申椒也左思蜀都賦云菌桂
臨崖劉逵注云神農本草經曰菌桂出交趾圓如竹爲衆藥通
使一曰菌薰也葉曰蕙根曰薰劉氏引本草菌桂是也其以菌
爲薰亦仍王逸之誤西山經曰嶓冢之山有草焉其葉如蕙郭
注云蕙香草蘭屬也或以蕙爲薰葉失之則薰葉爲蕙郭氏又
已駁正也

附益嬾草

本草拾遺益嬾草味苦平無毒主五野雞病脫肛止血炙令香浸酒服之生永嘉山谷葉如澤蘭莖赤高二三尺也

按本草從新嬾酣草芳香解惡去臭氣辛溫和平止霍亂吐瀉尖葉大如指甲有枝梗夏月開細紫花成簇結子亦細今人俱盆內種之婦女摘其頭以插髮按形卽醒頭香北人所云矮康尖杭人今呼娘草武儀洛不知卽係零陵香故刪去零陵香而增嬾酣草大約拾遺之益嬾草亦卽此也其所生之地與形狀名呼皆相彷彿南人謂婦人曰娘行又呼娘曰

嫻此草婦人以薰髮浸油故有是名矣附以俟考

薺葶

本草拾遺薺葶味辛溫無毒主冷氣洩痢生食除胸間酸水按
碎傳蟻瘦按蘇恭言江左名水蘇爲薺葶按水蘇葉有雁齒氣
香而辛薺葶葉稍長其上有毛氣臭亦可爲生菜


本草綱目薺葶處處有之葉似野蘇而稍長有毛氣臭山人茹
之味不甚佳

白茅香

本草拾遺白茅香味甘平無毒主惡氣令人身香煮湯服治腹
內冷生安南如茅根道家用作浴湯

李時珍曰此乃南海白茅香亦今排香之類非近道

之白茅及北土茅香花也



肉豆蔻

嘉祐本草肉豆蔻味辛溫無毒主鬼氣溫中治積冷心腹脹痛
霍亂中惡冷疰嘔沫冷氣消食止洩小兒乳霍其形圓小皮紫
緊薄中肉辛辣生胡國胡名迦拘勒

圖經肉豆蔻出胡國今惟嶺南人家種之春生苗花實似豆蔻
而圓小皮紫緊薄中肉辛辣六月七月採續傳信方治脾泄氣
痢等以豆蔻二顆米醋調麩裹之置炭火煨令黃焦和麩碾末
更以炒了樵子末一兩相和又焦炒陳廩米爲末每用二錢七
煎作飲調前二物三錢七旦暮各一便差

諸蕃志肉豆蔻出黃麻駐牛崙等深番樹如中國之柏高至十丈枝幹條葉蕃衍敷廣蔽四五十人春季花開採而曬乾今豆蔻花是也其實如榧子去其殼取其肉以灰藏之可以耐久按本草其性溫

稽神錄江南司農少卿崔萬安分務廣陵常病苦脾泄困甚其家人禱於后土祠是夕萬安夢一婦人珠珥珠履衣五重皆編貝珠爲之謂萬安曰此疾可治今以一方相與可取青木香肉豆蔻等分棗肉爲丸米飲下二十九又云此藥太熱疾平卽止如其言服之遂愈

白豆蔻

嘉祐本草白豆蔻味辛大溫無毒主積冷氣止吐逆反胃消穀下氣出伽古羅國呼爲多骨形如芭蕉葉似杜若長八九尺冬夏不凋花淺黃色子作朵如葡萄其子初出微青熟則變白七月採

圖經白豆蔻出伽古羅國今廣州宜州亦有之不及番舶者佳苗類芭蕉葉似杜若長八九尺而光滑冬夏不凋花淺黃色子作朵如葡萄生青熟白七月採張文仲治胃氣冷喫食卽欲得吐以白豆蔻子三枚擣篩更研細好酒一盞微溫調之併飲三

兩盞佳又有治嘔吐白朮等六味湯亦用白豆蔻大抵主胃冷
卽宜服也

酉陽雜俎白豆蔻出伽古羅國呼爲多骨形如芭蕉葉似杜若
長八九尺冬夏不凋花淺黃色子作朵如葡萄其子初出微青
熟則變白七月採

諸蕃志白豆蔻出真臘闍婆等蕃惟真臘最多樹如絲瓜實如
葡萄蔓衍山谷春花夏實聽民從便採取

補骨脂

嘉祐本草補骨脂味辛大溫無毒主五勞七傷風虛冷骨髓傷
敗腎冷精流及婦人血氣墮胎一名破故紙生廣南諸州及波
斯國樹高三四尺葉小似薄荷其舶上來者最佳

圖經補骨脂生廣南諸州及波斯國今嶺外山坡間多有之不
及番舶者佳莖高三四尺葉似薄荷花微紫色實如麻子圓扁
而黑九月採或云胡韭子也胡人呼若婆固脂故別名破故紙
今人多以胡桃合服此法出於唐鄭相國自敘云予爲南海節
度年七十有五越地卑濕傷於內外衆疾俱作陽氣衰絕服乳

石補益之藥百端不應元和七年有訶陵國舶主李摩訶知予
病狀遂傳此方并藥予初疑而未服摩訶稽顙固請遂服之經
七八日而覺應驗自爾常服其功神驗十年二月罷郡歸京錄
方傳之破故紙十兩淨擇去皮洗過搗篩令細用胡桃瓤二十
兩湯浸去皮細研如泥卽入前末更以好蜜和攪令勻如飴糖
盛於瓷器中且日以煖酒二合調藥一匙服之便以飯壓如不
飲人以煖熟水調亦可服彌久則延年益氣悅心明目補添筋
骨但禁食芸臺羊血餘無忌此物本自外番隨海舶而來非中
華所有番人呼爲補骨鷓語訛爲破故紙也續傳信方載其事

其義頗詳故并錄之

葦撥

嘉祐本草葦撥味辛大溫無毒主溫中下氣補腰腳殺腥氣消食除胃冷陰病疹癖其根名葦勃沒主五勞七傷陰汗核腫生波斯國此藥叢生莖葉似蒟醬子繁細味辛烈於蒟醬

圖經葦撥生波斯國今嶺南有之多生竹林內正月發苗作叢高三四尺其莖如筋葉青圓闊二三寸如桑面光而厚三月開花白色在表七月結子如小指大長二寸已來青黑色類椹子九月收採灰殺暴乾南人愛其辛香或取葉生茹之黃牛乳煎其子治氣痢神良謹按唐太宗實錄云貞觀中上以氣痢久未

本草綱目卷之六
三
瘥服它名醫藥不應因詔訪求其方有衛士進乳煎葦撥法御
用有效劉禹錫亦記其事云後累試年長而虛冷者必効

海藥本草謹按徐表南州記本出南海長一指赤褐色爲上復
有葦撥短小黑硬不堪舶上者味辛溫又主老冷心痛水瀉虛
痢嘔逆醋心產後洩痢與阿魏和合良亦滋食味得訶子人參
桂心乾薑治臧腑虛冷腸鳴洩痢神效

酉陽雜俎葦撥出摩伽陀國呼爲葦撥梨拂林國呼爲阿梨訶
陀苗長三四尺莖細如箸葉似葢葉子似桑椹八月採

本草綱目李時珍曰段成式言青州防風子可亂葦菱蓋亦不

然葶芩氣味正如胡椒其形長一二寸防風子圓如胡荽子大不相侔也

周書波斯傳波斯國大月氏之別種治蘇利城古條支國也土出胡椒葶撥石蜜千年棗香附子訶梨勒無食子鹽綠雌黃等物

益智子

嘉祐本草益智子味辛溫無毒主遺精虛漏小便餘瀝益氣安神補不足安三焦調諸氣夜多小便者取二十四枚碎入鹽同煎服有奇驗按山海經云生崑崙國

圖經益智子生崑崙國今嶺南州郡徃徃有之葉似蕺荷長丈餘其根傍生小枝高七八寸無葉花萼作穗生其上如棗許大皮白中仁黑仁細者佳含之攝涎唾採無時盧循爲廣州刺史遺劉裕益智粽裕答以續命湯是此也

顧微廣州記云益智葉如蕺荷莖如竹筍子從心出一枝有十

子子肉白滑四破去核取外皮蜜煮爲粽味辛

南方草木狀益智子如筆豪頭長七八分二月花連著實五六月熟味辛雜五味中芬芳亦可鹽曝出交趾合浦建安八年交州刺史張津嘗以益智子粽餉魏武帝

齊民要術廣志曰益智葉似蘘荷長丈餘其根上有小枝高八九寸無花萼其子叢生著之大如棗肉瓣黑皮白核小者曰益智含之隔涎澁出萬壽亦生交趾 異物志曰益智類薏苡實長寸許如枳椇子味辛辣飲酒食之佳

甘松香

嘉祐本草甘松香味甘溫無毒主惡氣卒心腹痛滿兼用合諸香叢生細葉廣志云甘松香出姑臧

圖經甘松香出姑臧今黔蜀州郡及遼州亦有之叢生山野葉細如茅草根極繁密八月採作湯浴令人體香

茅香花

嘉祐本草茅香花味苦溫無毒主中惡溫胃止嘔逆療心腹冷痛苗葉可煮作浴湯辟邪氣令人身香生劍南道諸州其莖葉黑褐色白花卽非白茅香也

日華子云白茅香花塞鼻洪傳久不合灸瘡斲刀箭瘡止血并痛煎湯止吐血鼻衄

圖經茅香花生劍南道諸州今陝西河東京東州郡亦有之三月生苗似大麥五月開白花亦有黃花者或有結實者亦有無實者並正月二月採根五月採花八月採苗其莖葉黑褐色而

本草綱目卷之八
花白者名白茅香也

海藥本草謹按廣志云生廣南山谷味甘平無毒主小兒遍身
瘡疱以桃葉同煮浴之合諸名香甚奇妙尤勝舶上來者

本草綱目李時珍曰茅香凡有二此是一種香茅也其白茅香
別是南番一種香草

縮沙薯

嘉祐本草縮沙薯味辛溫無毒主虛勞冷瀉宿食不消赤白洩痢腹中虛痛下氣生南地苗似廉薑形如白豆蔻其皮緊厚而皺黃赤色八月採

圖經縮沙薯生南地今惟嶺南山澤間有之苗莖似高良薑高三四尺葉青長八九寸闊半寸已來三月四月開花在根下五六月成實五七十枚作一穗狀似益智皮緊厚而皺如栗文外有刺黃赤色皮間細子一團八隔可四十餘粒如黍米大微黑色七月八月採

廣西通志縮砂苗似薑形似白豆蔻出足灘以下者不減羅浮所產

南越筆記陽春砂仁一名縮砂蔻新興亦產之而生陽江南河者大而有力其種之所曰果山曰縮砂者言其殼曰蔻者言其仁鮮者曰縮砂蔻乾者曰砂仁八月採之以嫩者蠶漬爲貨售於嶺外最珍其稅頗重

墨莊漫錄黃魯直謂荀中令喜焚香故名縮砂湯曰荀令湯朱雲喜直言切諫苦口逆耳故名三棱湯曰朱雲湯

排草香

本草綱目排草香出交趾今嶺南亦或蒔之草根也白色狀如細柳根人多僞襍之按范成大桂海志云排草香狀如白茅香芬烈如麝香人亦用以合香諸香無及之者又有麝香木出占城乃老朽樹心節氣頗類麝根氣味辛溫無毒主辟臭去邪惡氣

排草香附錄

南越筆記排草狀如白茅對節生葉葉兩兩相連長五六寸而幹中穿以細嫩者爲貴番禺人種之動至數畝以其葉售於海外諸番歲有瘡痍煎其葉爲湯洗之卽愈其根莖以合諸香爲囊能使衆味久而不滅故一名留香草亦曰眷香

簡易草藥茅香根卽燈臺草又名相思草清明前後出秋枯梗圓穿梗出葉葉青透者亦有紫色者花亦有紫黃色者子綠色
痧症要藥

按本草綱目李時珍曰排草香出交趾今嶺南亦或時之草

根也白色狀如細柳根人多偽雜之按范成大桂海志云排
香狀如白茅香芳烈如麝香人亦用以合香諸香無及之者
又有麝香木出占城乃朽樹心節氣頗類麝又白茅香注云
此乃南海白茅香亦今排草香之類非近道之白茅及北土
茅香花也據此則排草香與白茅香爲二物然皆不述其形
狀卽云排草根如細柳根亦是但見其乾者耳今以南越筆
記及羅思舉簡易草藥所述及圖校之乃是一種此草形狀
特異一葉中穿故有燈臺相思之名又其葉末圓而上翹土
人亦呼爲元寶草本草從新元寶草辛寒補陰治吐血衄血

生浙江田塍間一莖直上葉對節生如元寶向上或三四層或五六層按狀亦彷彿根香如都梁所謂如茅者指其根形色耳夏間葉中抽莖莖又分叉開五瓣黃花江西湖南處處有之士醫云治婦人乳癰以莖根懸於乳前右則懸左左則懸右未卽試也又南越筆記又一種夏開細粉紫花如蒔蘿乾之香亦曰排草有曰千步草香聞十里然不可多得或謂千步草卽排草廣人種之成畦長至千步故十里聞香或卽簡易所云紫色者粵中花木多隨地命名人以嶺南香國所產目爲奇異實則嶺北亦多有之特無賣香市耳羅提督蜀

人莫司馬閩人習見習用當必不謬今以排草形狀功用圖說之而以拾遺附於後以俟再考

山柰

本草綱目李時珍曰山柰生廣中人家栽之根葉皆如生薑作樟木香氣土人食其根如食薑切斷暴乾則皮赤黃色肉白色古之所謂廉薑恐此類也段成式西陽雜俎云柰祇出拂林國長三四尺根大如鴨卵葉似蒜中心抽條甚長莖端有花六出紅白花心黃赤不結子其草冬生夏死取花壓油塗身去風氣按此說頗似山柰故附之

南越筆記三賴根似薑而軟脆性熱消食宜兼檳榔嚼之以當蒟子或以調羹湯微辣而香聘婦者以三賴雕鏤花鳥胡蝶諸

狀薄金傳之佐檳榔椰肉桂薑花等以實筐二積一名山柰亦
曰廉薑可爲齏

與廉薑異物

按救荒本草有野山柰卽此滇南同甘松香桂皮等爲五香
充食料用